

इवनिंग डोगरी न्यूज़ बुलेटिन

समे-18:15 Hrs

Headlines

- 1 जम्मू-कश्मीर दे 44 मेदवारें दी सूची वापस परताई लैने मगरा बीजेपी नै 16 मेदवारें कन्नै 2 नर्मी सूचियें दी घोषणा कीती। एन.सी-कांग्रेस नै बी सीट बंटवारे दे समझौते गी अखीरी रूप देने लेई बैठक लाई।
- 2 पुलस महानिदेशक आर.आर स्वैन होंरें आखेआ जे आतंकी असम्बली चुनाएं च खोद्दल पाने दे इरादे कन्नै सुरंग राएं घुसपैठ करने दी कोशश करी सकदे न, पर स्हाड़े सौहगे जवान उंदे हर माड़े मंसूबे गी नाकाम बनाने लेई पूरी चाल्ली तैयार न।
- 3 अज्ज दुआ भारत-सिंगापुर मंत्री स्तरीय गोलमेज सम्मेलन सिंगापुर च लग्गोग।
- 4 श्री कृष्ण जन्माष्टमी दा त्यौहार अज्ज समूलचे जम्मू-कश्मीर च धार्मिक-श्रद्धा ते चायें-चायें मनाया जा'रदा ऐ।

<><><><><><>

BJP-List

भारतीय जनता पार्टी नै अज्ज विधानसभा चुनास आस्तै अपने मेदवारें दियां दो सूचियां जारी कीतियां न जेदे च इक च 15 मेदवार ते दुई च 1 मेदवार दे नांस पर मुहर लाई गई ऐ। दक्खन कश्मीर दी 8 सीटें पर पार्टी तरफा कोई मेदवार खड़ा नेई कीता गेआ ऐ। पैहले पार्टी नै 44 मेदवारें दी सूची जारी कीती ही। तोआई सूची गी वापस लेई लैता गेआ ते चुनांस दे पैहले मरहले लेई 15 मेदवारें ते 1 मेदवार दी 2 सूचियां जारी कतियां गेइयां। पहली सूची च बीजेपी नै महिला मेदवार शगुन परिहार गी किशतवाड़ थमां खड़ा कीता ऐ। शगुन परिहार अजीत परिहार

हुंदी धी ते बीजेपी नेता अनिल परिहार हुंदी भतीजी न। दौनें परिहार भ्राएं गी 2018 च हिज्बुल मुजाहिद्दीन तरफा आतंकवादी हमले च जान गंवानी पेई ही। पार्टी नै वरिष्ठ कश्मीरी नेता सोफी मोहम्मद युसुफ, साबका मंत्री सुनील शर्मा ते पार्टी दे उप-प्रधान शक्ति राज परिहार होरेंगी बी चुनांस लड़ने दा टिकट दिता ऐ।

<><><><><><>

Congress-NC

कांग्रेस नेताएं जम्मू-कश्मीर विधानसभा चुनावं आस्तै सीटें दी बंड गी लेइए मतभेद गी दूर करने आस्तै नेशनल कांफ्रेंस कन्नै चर्चा कीती। महासचिव कांग्रेस संगठन के.सी वेणुगोपाल होरें एन.सी प्रधान फारूक अब्दुल्ला ते उप-प्रधान उमर अब्दुल्ला हुंदे कन्नै गल्लबात कीती। पार्टीएं दे मकामी नेताएं बश्कार सीटें दी बंड गी लेइए पैदा होए दे मतभेद दे चलदे एह बैठक करना जरूरी हा। पार्टी नेताएं दस्सेया जे दौनें पार्टियें सीटें दे बंटवारे गी लेइए काफी हद तगर सहमति जताई ऐ। एन.सी दे कश्मीर प्रांत दे प्रधान नासिर असलम वानी होरें आखेआ जे दवें पार्टियें गी किट्ठे रलिए चुनांस लड़ना ऐ, इस करिए किश मसले हैन। उनें आखेआ जे असेंगी पार्टी दी जमीनी स्थिति ज़हन च रखनी पौग ते खास सीटें पर पार्टियें दी मजबूती बारै बी सोचना होग। उनें जोड़ेया जे सीटें दे बंटवारे दे मुद्दे दा पार्टियें दे गठबंधन पर कोई असर नेई पौग। जम्मू-कश्मीर च विधानसभा चुनावं आस्तै 90 विधानसभा हल्के च त्रै चरणें च मतदान करवाया जाग जेड़ा 18 ते 25 सितंबर ते 1 अक्टूबर गी होग। चुनांस दे नतीजे 4 अक्टूबर गी घोषित कीते जांगन।

<><><><><><>

APSCC

All Parties Sikh Coordination Committee नै आखेआ ऐ जे ओह कश्मीर घाटी दी त्रै सीटें थमां चुनांस लड़ोग। कमेटी नै पुलवामा जिले दे त्राल थमां पुष्पेंद्र सिंह गी चुनावी मैदान च तोआरने दा

फैसला लैता ऐ। श्रीनगर दे सेंट्रल शलतेंग ते बारामुला थमां मेदवारें दा नांs बाच घोषित कीता जाग। APSCC अध्यक्ष जगमोहन सिंह रैना होरें आखेआ ऐ जे कमेटी नै बहुसंख्यक समुदाय दे सहयोग दे मद्देनजर इनें सीटें पर मेदवार तोआरे न। उनें बहुसंख्यक समुदाय गी अगगे आइए सिख समुदाय दे सदस्यें दा साथ देने दी अपील कीती ऐ।

<><><><><><>

DGP-Tunnels

पुलस महानिदेशक आर.आर स्वैन होरें संकेत दिता ऐ जे आँदे विधानसभा चुनां दे पैहले आतंकवादी पाकिस्तान थमां जम्मू-कश्मीर च घुसपैठ करने आस्तै सुरंग दा इस्तेमाल करी सकदे न, पर ऐसी कुसा बी हरकत गी थम्मने आस्तै सुरक्षा बल पूरी चाल्ली तैयार न। इक समाचार पत्रिका गी साक्षात्कार दिंदे होई डीजीपी होरें आखेआ जे क्षेत्र च शांतिपूर्ण तरीके कन्नै चुनां कराने आस्तै सुरक्षा बल बचनबद्ध न ते एह उंदे आस्तै कोई चुनौती नेई ऐ। उनें आखेआ जे अप्रैल मई च होए दे लोकसभा चुनांs च ओह ऐसे हालातें कन्नै निब्बड़ी चुके दे न ते नतीजे शैल रेह जिंदे च लोकें खरी मती गिनतरी च वोट पाए। ग्रामीण रक्षा गार्द दे योगदान दी तरीफ करदे होई डीजीपी होरें आखेआ जे ग्रामीण रक्षा गार्द गी नमें उपकरणें कन्नै लैस कीता जा'रदा ऐ ते बन्ने पर बी पुलस स्टेशन स्थापित कीते जा'रदे न कीजे गैर कन्नूनी गतिविधिं गी मजबूती कन्नै रोकेया जाई सकै।

<><><><><><>

Rusted-Landmine

सेना नै जम्मू-कश्मीर दे पुंछ जिले च नियंत्रण रेखा दे कन्नो-कन्नी जमीनै हेठ दबोए दे जंग लगगे दे बरूद गी नष्ट करी दिता ऐ। इक अधिकारी नै जानकारी दिती ऐ जे सेना दे गश्ती दल नै

मेंढर सब डिविजन दे बालाकोट सैक्टर च इक दूर-दरेडे गां थमां सबेरे 11 बजे बरूद दिक्खेआ। एहदे मगरा बंब निरोधक दस्ते गी सददेया गेआ ते नियंत्रित बिस्फोट जरिए बरूद गी नष्ट कीता गेआ जेदे च कुसा चाल्ली दा नुकसान नेई होएया।

<><><><><><>

Pak-Attack

पाकिस्तान च बलूचिस्तान दे मुसाखेल जिले च बस ते ट्रक दी जांच करने परेंत बंदूकधारियें घट्ट शा घट्ट 23 लोकें दी हत्या करी दिती। मुसालेख दे असिस्टेंट कमिशनर नजीब कक्कड़ हुंदे मुजब बंदूकधारियें मुसाखेल जनरैली शिड़क पर ट्रक ते बस्सै गी रोकिये, यात्रुएं गी तुआरिये उंदी पंछान हासल करने मगरा उन्दे उप्पर गोलीबारी शुरू करी दिती।

<><><><><><>

ISMR

दुआ भात सिंगापुर मंत्री स्तरीय गोलमेज सम्मेलन अज्ज थमां सिंगापुर च होग। बैठक दौरान दपक्खी सरबंधें ते रणनीतिक सांझेदारी दे बक्ख-बक्ख पहलुएं दी समीक्षा कीती जाग। दवें मुख्य सांझेदारी गी अग्गे बदाने ते व्यापक बनाने दे उपा तुप्पंगन। बैठक च विदेश मंत्री डाक्टर एस. जयशंकर, वित्त मंत्री निर्मला सीतारमण, रेलवे, सूचना ते प्रसारण मंत्री अश्विनी वैशणव, उद्योग मंत्री पीयूष गोयल होर शामिल होंगन। भारतीय मंत्रियें अज्ज सिंगापुर दे राष्ट्रपति थर्मन शनमुगरत्नम ते सिंगापुर दे प्रधानमंत्री लारेंस वोंग हुंदे कन्नै मलाटी कीती। इनें लीडरें राष्ट्रपति होरें गी मुबारकबाद दिती। आकाशवाणी संवाददाता नै खबर दिती ऐ जे दपक्खी सरबंधें गी उंचाई दे नमें गासै तगर लेई जाने लेई इक नमां उच्च स्तरीय तंत्र भारत-सिंगापुर मंत्री स्तरीय गोलमेज सम्मेलन बनाया गेआ ऐ।

<><><><><><>

Janamashtmi

भगवान श्री कृष्ण हुंदे जन्म आहला ध्याड़ा जन्माष्टमी अज्ज पूरे मुखै आहला लेखा जम्मू-कश्मीर च बी धार्मिक श्रद्धा ते चार्ये-चार्ये मनाई जा'रदी ऐ। दूर-दूर थमां श्रद्धालु भगवान श्री कृष्ण हुंदे मंदर श्री रघुनाथ जी दे मंदर, बलराम मंदर ते बांके बिहारी मंदरै च जाइयै मत्था टेका'रदे न। कश्मीर घाटी दे बी बक्ख-बक्ख मंदरै ते श्रीनगर दे शंकराचार्य मंदरै च बी जन्माष्टमी दा त्यौहार हर्षोल्लास कन्नै मनाया जा'रदा ऐ। बक्ख-बक्ख मंदरै, गलिये ते शैहरें गी शैल सनाहकड़े ढंग्गै कन्नै सजाया गेदा ऐ। राष्ट्रपति द्रौपदी मुर्मू, प्रधानमंत्री नरेंद्र मोदी ते उपराज्यपाल मनोज सिन्हा होरें लोके गी जन्माष्टमी दियां मुबारकबाद दितयां न।

<><><><><><>

Kishtwar

किश्तवाड़ जिले च बी अज्ज श्री कृष्ण जन्माष्टमी दा त्यौहार धार्मिक श्रद्धा ते हर्षोल्लास कन्नै मनाया गेआ। मंदरें गी शैल सनाहकड़े ढंग्गै कन्नै सजाया गेदा हा ते मुकामी श्रद्धालुएं इस मौके इक शोभा यात्रा बी कइडी। भगवान श्री कृष्ण हुंदे मंदरै च बड़लै थमां गै श्रद्धालु मत्था टेकन पुज्जा'रदे न। मंदरै च भजन ते लंगरें दा आयोजन बी कीता गेदा ऐ।

<><><><><><>

Samba-Janamashtmi

कृतिदेव यहां देश दे बाकी हिस्सें आहला लेखा श्री कृष्ण जन्माष्टमी दा त्यौहार साम्बा जिले च बी धार्मिक श्रद्धा ते चार्ये-चार्ये कन्नै मनाया जा'रदा ऐ। मुख कार्यक्रम घगवाल दे भगवान श्री नरसिम्हा मंदरै च आयोजित कीता गेआ। मंदरै दे पुजारी सचिन शर्मा होरें दस्सेया जे जन्माष्टमी दा त्यौहार हर बरे बड़े उत्साह कन्नै मनाया जंदा ऐ।

.....बाईट.....

<><><><><><>

SVEEP

पुंछ दे हाडी बुझडा ग्रां च स्वीप टीम नै इलाके दे बुजुर्गे गी चुनां आयोग आस्सेया दिती गेदियें बक्ख-बक्ख सुविधाएं ते डाक मतपत्र बारै जानकार कीता। टीम मिम्बरें ग्रां दे बक्ख-बक्ख घरे जाइयै बुजुर्गे कन्नै गल्लबात कीती ते उनेंगी डाक मतपत्र राएं वोट पाने बारै जानकार बी कीता। एहदा उद्देश्य बुजुर्गे गी अपने वोट पाने दे अधिकार बारै उंदा दिल बदाना हा।

<><><><><><>

Rajnath-Singh

रक्षा मंत्री राजनाथ सिंह होरें राश्ट्री नागरिक अधिकार संग्रहालय दा दौरा लाया ते मेमफिस ते टेनेसी च भारतीय समुदाय कन्नै गल्लबात कीती। भारती लोकें कन्नै मेमफिस, एटलांटा ते नाशविले च मिलदे होई सिंह होरें भारतीय समुदाय दी उपलब्धिएं ते समाज, विज्ञान ते अर्थ बवस्था च उंदे योगदान दी सराहना कीती। उनें इनेंगी भारत ते अमरीका बश्कार इक जींदा जागदा पुल आखेआ जेड़ा गै दौनें मुखें बश्कार रिश्ते मते बेहतर बनाने च अच्छी भूमिका निभा'रदे न।

<><><><><><>

Navy

भारतीय जलसेना दा लड़ाकू जहाज आई.एन.एस मुम्बई अज्ज त्रै ध्याइं दे दौरे आस्तै कोलंबो पुज्जेया जित्थे श्रीलंकाई जलसेना नै अनुष्ठानिक तरीके नै ओदा सुआगत कीता। एह दौरा आई.एन.एस मुम्बई दा श्रीलंका बंदरगाह दा पैहला ते भारती जल सेना दे जहाज दा श्रीलंका च 2024 च 8मां दौरा ऐ। इस दौरे दौरान आई.एन.एस मुम्बई श्रीलंका वायु सेना तरफा चलाए गेदे

डोर्नियर मैरिटाइम पेट्रोल एकयरक्राफ्ट आस्तै अतिरिक्त कल पुर्जे मुहैया करवाग। एह दौरा श्रीलंका जल सेना दे कर्मचारिएं गी आई.एन.एस मुम्बई बारै जानकारी लैने च मदद करोग जेदा मकसद परिचालन सरबन्धी कम्में दी जानकारी सांझा करना ऐ।

<><><><><><>